

Kilometroak 99ko ibilbidea eta atariko kultur ekitaldiak aurkeztu dituzte Erreenterian

Zortzi kilometroko bidea izango da, hiri, industria zein landa inguruetan barna

Arantxa Iraola / Erreenteria

Urriaren 3an Erreenterian Kilometroak 99 ospatuko da, Gipuzkoako ikas-tolen jai handia. Atzo, Orereta Ikastolako lehendakari Xabier Oleagak eta

jaiaren koordinatzaileek antolaketa lanak aurrera doazela argi utzi nahi izan zuten. Esaterako, aipatu jai handiaren ibilbidea aurkeztu zuten: zortzi kilometro pasatxoko zirkuitua, hiri, industria zein nekazari ingurue-

tan barna. Kilometroak 99ren itzalean, datozen asteetan egingo diren kultur ekitaldien berri ere eman zuten. Larunbat honetan, esaterako, rock kontzertu erraldoia izango da Erreenteriako Zamalbide auzoan.

KILOMETROAK 99KO ibilbideak hiru gunek nagusi izango ditu: Orereta Ikastolako Zamalbide auzoan duen eremu zabala, industriagune bat — Oiartzungo Ugaldetxo auzoan — eta herriko auzo berri bat, Fanderia. Horietaz gain, arratsaldean, festa giroa herriko kasko nagusira eramaten saiatuko dira, bertan bi gunek zabalduko baitituzte, euskalatzale guztiak bertara daitezten. Ibilbide osoa ondo asfaltatuta dagoela azaldu zuen atzo Xabier Oleagak. «Eguraldia kaskarra izanda ere, ondo egingo diogu horri aurre». Gustura aurkeztu zuen atzo ibilbidea, hamalaka buru-hausteren emaitza izan dela esan zuen, hala ere. «Orografia gaiztoa baitugu».

Ibilbide horrek izaera sinboliko handia duela esan zuen Oleagak. «Udalerriko zonalderik berrienari —Fanderia auzoa— garrantzia ematen saiatu gara, horrek etorkizun mezua baitu». Ibilbidean, halaber, garrantzi berezia eman nahi izan diete industriaguneei —industria tradizio handia du Erreenteriak— eta nekazari guneko tokiei. Ibilbidea dagoeneko zehaztuta badute ere, eremu bakoitzean zer nolako ekitaldiak antolatuko dituzten oraindik guztiz zehazteko dutela esan zuten. «Irailean azalduko dugu hori guztia».


Atariko ekitaldiak, bizi-bizi

Atzo hedabideen aurrean egindako agerraldia egun handiaren atarian atontzen ari diren ekitaldi sorta zabalen berri emateko ere erabili zuten Kilometroak 99ren antolatzaleek.

Ekitaldi horietan lehena larunbatean izango da, Orereta Ikastolako Zamalbide auzoan duen egoitzan kontzertu handi bat egingo baita. Su Ta Gar, Non To-

Web orria

«Aurki sarean izango gara», eman zuen atzo aditzera Kilometroak 99ko antolatzaleen izenean Xabier Oleagak. «Egun gutxi batzuk barru, gure web orri propioa izango dugu».



GARI GARAIALDE

Orereta Ikastolako lehendakari Xabier Oleagak eman zituen Kilometroak 99ko ibilbidearen xehetasunak.

Kilokazeta, informazio iturri

KILOMETROAK 99KO arduradunak garrantzi berezia ematen ari zaizkio informazioaren munduari. Gipuzkoako euskaltzale guztiei ondo azaldu nahi diete jai handiaren antolaketa- ren nondik norakoa zer moduz doazean, eta asmo horrekin aldizkari bat argitaratzen ari dira: Kilokazeta. «Dagoe-

neko bi zenbaki argitaratu ditugu», azaldu zuen atzo Xabier Oleagak horiek aurrez aurre zituela. Zenbaki bakoitzetik 30.000 ale atera dituzte eta Gipuzkoa osoan banatu dituzte. «Eskualdean batez ere hedapen intentsiboa egiten dugu», azaldu zuen atzo Oleagak, Gipuzkoako txoko gehienetara iristeko

ahalegin itzela egingo dutela gainera-tuta.

Aldizkaria batez ere euskaraz idatzita dago, baina euskara ulertzeko arazo eta ezintasunak dituzten irakurleak gogotan, idatzi nagusien laburpentxo batzuk egiten dituzte gaztelaniaz, guztientzako ulergarria izateko.

Oraingoz argitaratutako bi zenbakie-

kin oso gustura dardela esan zuten atzo, eta udako oporren atsedenaren ostean beste bi zenbaki argitaratu nahi dituzte. «Irailean ekingo diogu berriz zeregin horri», eman zuten atzo aditzera. Izan ere, orduan zer kon-tatua frango izango da, atari-atarian egongo baita egun handia: urriaren 3a, Kilometroak 99.

xic Pipe eta Irailerako 6 taldeak ariko dira. «Ikastolako ikasleen artean galdeketa bat egin ostean aukeratu ditugu talde horiek», esan zuten atzo antolatzaleek. Erreenteriako kaskotik nahiko urrutiko dagoen tokia izaki, bertara

joateko nahi adina autobus egongo direla iragarri zuten.

Kilometroak 99ren babesean urratutako ekitaldietan hurrena uztailaren 16an Erreenterian egingo den txirrindulari proba izango da, eta uztailaren 17an, berriz, Ereintza elkartea atontzen ari den Erromeria Egunean hartuko dute esku. «Oso gustura hartu dugu parte horren antolaketa», esan zuen atzo Xabier Oleagak. Izan ere, mi-

laka lagun elkartu nahi dituen ekimen handia da Erromeria Eguna. Azkenik, uztailaren 31n, *Ai Batix*, *Batix* bertso-drama izango da, Kilometroak 99k Oiartzungo Pagoarte kultur taldearekin batera atondua. Abuztuko oporren aurretik, azken ekitaldia izango da hori. Ondoren irailean, gehiago ere izango dira, egun handiaren atariko «azken txanpa» izango baita hori.

Hendaiako mugalariek 25 kilo kalamu aurkitu dituzte mugan

■ *Holandako gidari batek zeraman droga harrapatu zuen Joker izeneko txakurra*

Lutxi Fourcade / Baiona

HENDAIKO mugalariek 255 kilo kalamu aurkitu zituzten herenegun Holandan matrikulatutako auto batean. Autoa zetorren Espainaitik eta holandar nazionalitateko gidaria Belgikan bizi da. Mugalariek eskaturik, 45 urteko emazteak autoa berehala gelditu zuen. Joker izeneko txakurra autoa miatu zuen eta sumatu zuen droga hainbat tokitan. Autoa desmuntatu ondoren, aurkitu zituzten zulo anitz. Denera 857 kalamu pakete zeuden.

Nahiz eta auto kargatua izan, gidariak deklaratu zuen ez zekiela drogarik zegoenik. Adierazi zuen bere adiskideak eskaini ziola autoa martxoan. Espainiara elkarrekin joan ziren zaldi festibala segitzeko Jerez de la Fronteran. Ondotik, gizonak eman zion dirua Belgikara itzultzeko eta emazteak bidea bakarrik hartu zuen. Bere bidaia gelditu zen Hendaiako mugan eta fiskalak preso sartu zuen.

Gizon bat atxilotu dute lanean ari zen etxean ustez andre bat bortxatzen saiatu zelako

Europa Press / Iruñea

JOAN den ostiralean Polizia Nazionalak C.L.A igeltsu iruindarra atxilotu zuen. Emakume batek ipinitako salaketaren arabera, jarrera lizuna izan zuen hark bere etxean lanean ari zela: eraso egin ziola esan du, eta bortxatzen saiatu zela. Andrezko horrek aditzera eman duenez, joan den ostegunean jazo zen gertaera. Dioenez, hasieran hitz ederrak esanez hurreratu zen igeltseroa, ondoren, ordea, besotik heldu eta arrastaka bere logelaraino eramanez zuela salatu du, eta bortxatzen saiatu zela. Emakumeak, zauriturik, erietxe batera jo behar izan zuen eta zauri horiek erakutsita erasotzailearen kontra salaketa jarri zuen.